

SETANEOEI

No. 284 DEC. 1910.

Migmani Solnaltjiti

RIMOUSKI, P. Q.

LE MESSENGER MICMAC

Petit Journal Mensuel publié par le R. P. Pacifique, Missionnaire, à Sainte Anne de Ristigouche, P. Q. Paraît le 1er du mois. Abonnement, 50 sous. Europe 3 frs. Prendre un ou plusieurs abonnements en faveur des Sauvages pauvres.



THE MICMAC MESSENGER

A Monthly Newspaper for the Indians. Yearly Subscription 50 cts. Address all communications to the Micmac Messenger, Restigouche, P. Q. Write for free Sample Copies to the Manager S. Vachon, Rimouski P. Q.

Teli gsalolgos melt asite gsalanetj.

PATLIASEOEI GELOSOAGAN

Tetapoiag ogpôgtamgian ola teppongegeoei atgeneoagan tan teloittemeg getoi oli pgingeoei. Nipi alasotmamg ôgotj gesgemenag iganog neotetal agantioimgel. Tetli nigoitetemolg sagaoeg sapeoinog teli esgipatisenel Oestaolgol opgisinlin, glapis neo pitoi mtelnaganipongegel; na ogtjit elp gino neogol nemitotesno agantioimgel gesgemenag aptj gisi tli pestieoltigoel.

Teloitemeg elp tjtjigoagatj galentjiti gisna aniapsoaganigisgegel; tllisip ôgotj tjtjpatliasoamog telignatim patgoi alamesigenigtog, mo nogotj eomegel teli ogsegeol gta pegiatimgeol, mo nogotj mesoi malieoimeg; meloitj atignetemeg alasotman ag tapogonag soneoin, sisteoie eta ag goeltamoltinga.

Tllisip oetmitetemolg alasotmeoi Maoiômi aptj oli osgitjinoin Nisgam mitjoatjiti gamlamoninag, gisi gagi ilitaigoel ag sapeotigtog eli atjatigoel, gionagatj getlamsetoagan ag gesaltimgeoeigtog. Teli olmetôg oegoitjigo gtoi matjolgoatmagol tanel oetmitetemolggol, semtôg pgôtilitanetj alasotmagan ag aniapsotigtog; metj pemi sgemalinetj gisi oli pestieoltineno ag Oestaolg gtetapoi msenaneno. "Oli

AGNOTEMAGANTJITJEL

ONAMAGIG.— Nephigeoei tepgenoset II tes—Mimatjainog me môngoetj gagi menatagotigo, lnim gipesag, asema neogtetjiti tepgenoset teli pgetjigisgeg, lnim tana nogo metoeg tan teli pogotim gogtemog; gato eigig na mimatjainog tanig gisi logotitjig lamigoônga.

pmaogsoltinetj, Pôl teloet, sangeoeimgeoeigtog, alasotmaganigtog ag sapeotigtog. Oestaolg esgipego, tan tgoeioigoel pgoatolgoteo golitasoltineno ag me golôltineno nigetj ag elmigenig". Patlias alamesigetj ag alasotmat napapogot negela sagaoegiga telapogaeliseniga nespi oigomatjel Oestaolgol. Metj elp angitetgel elmiagaoei tanog aptj mesoi pgisinteo getoi gespagamigsimga, lôg gisi ttipalaten; sgato nigetj netaoi eolitetegat. Golaman oinpatjigtomolg goli msenaneno Noeleoingag oagameng gamlamonigtog, ogtjtijat golamgoneno ag pigoeli oleiagoneno.

Tesigisgeg alames tgôtemenetj mo mesi tgôtemotioigo, ginamati-neoel tjtjsetemenetj, oli giltjemgeol eomenetj, golaman tli olôtasoltitesno, togo tllisip gtjialasotmaganel gisi oli msentesno nipi alasotmamga.

Sgemtog oetji notemamg gtig-ang Tjan Misel ogtolien lnoi magamigeoigtog galipomasga ag etog me aptj tanig getoi litatjig.

Sgemtog aptj nin gsatemog nemig gelosgapa, meta ola nà telitasiep gelosgapôg gagietag ola ogsitgamogae; meta ola na onamagig eig na oiga teloitementis gisigogig gelosgapeoigoôm; gato getel ôgo ig gelosgap ola ogsitgamog, olitasites nin nemiga esgemenag pongatemoa. Gato elpa paseg tjine-moitj tôgo teloitositj na ma toôoinog tan telapogetja; paseg gôgoei disi onagotg, tôgo sagma opitenog igatoatj logôoagen, ma negem gisi tali apôgônemogoi. Nin oetapo goei eimeg ninen onamagigs, eoletjoltitjig sagmag gis tepiag logôoagena tan pematotitj, tjel nogo mo oeli gtantotigo omimatjoagenemoôoa meta gôgoei telategetj gisna natami oigomot; golaman eolitelemgig mset sagma etaœi na Genisgamino pemi ignemoan olitasoagena tan teli pgitasoltilitj. Na pel telgig ntoigatigena. Nin S.T.

MIAPOGOEG GTAGAMGOG — oigeoigos 12 tes.—Nôgmatot tet nige maoligoeg tan gôgoei igatagenimana. Na nige sigon gôptenol ignemoinametepeni osginming tapatatga 9 engatigen, alt môgoe oenig oesaototigo, lnim tegeletjg. Gato nin teloeiep, tjel tlia galtie engatigen me osoatotes; angemio igalegig magamigega, nige getjigao gisi menalegig, totjio ganioei 198 engatigen oetjato; na nin telœi, lôg gelog. N.T.G.

—o—

LISTOGGTJG—26 tes. nepg. repg.—gisgog etli otgotalotag Monigtjitjôg Oeliôm Gog otostjtjag.

Tetli mitgogoes nigani alsositesgo aniapsoinosgoag ag oela-

maseniša mitjoatjtjga teli pigo-elniseniga geginamasotigtog, tlia pôgtji tgega, ag teli olgoitjitalitga.

—o—

Notji ginamoatitjig sgoligtog oigotemoatitj sigentalimgeœl gegelnôleoigtog otjit mitjoatjtj, tlia gis eoigigetisenig tôgo môgoe mesnemitiœg, meta aptj nige igagsep oigatigen, notjôteget atœoa telœet aoantasis tan tlisip oigotemot, eln tepetog nige gôgoatjia-teo.

NEGPIG

Nepgig Listogotjg — NASTASI OIMETOG — Nalsis Sataio olepitema, nepgenag 17 tes. tepeg. 66 tetotjegag, mesneg otgotaltimgeœi zei tili msegig 19 tes. tepeg.

Saotamteng—Mali Lois Tôpiôg—Piel listogotjg tlei otepitemag gesi nogôoaganoôm g etli npegag, oeli angoelot ag apôgônemot, taposilitji patlias negao eimelitega tan elisinga, ag môgoe oenmatjêgoag elpaa mo teli gigtjipogoameg môgoe oen gtjtjiaoisôg, môgoe pegitji gsino-goagoag paseg ansema asogôm tesogonag; tetotji glositag istegetj oasôgônem, agan lisinga. Ag maœi oli apôgônemotag, nesisgegaisel telaogtjg otalamesema maœatopenig mimatjoinog. Tôgo telœemg nesogonag eli nigani gtj-itôg ognepenq, tjel ioitasenel otjine-momel istegetj nemiattjel ag apigsgtoatjel, ag gitjinal Malial ag nannilitji ansaleœilitji petjitalitji petji menisgatji, tjel opitenel siaœio gepetag elnegel ag oitatji telimatji, nogo nenagi lmalig. Nateli oli npegag.

S. G. N.

SAPEOIT SOSEP

1. Gil notjeiasep Oestaolg,
Santeoi Maoiômi.
Elp ignemasg gtangoeioin,
Alasotmelseoi.
2. Teligis ag teli sgalôlg.
Nisgam mitjoatjtj.
Gil ag Mali, nin ntelein,
Elp pgoatetemoitj.
3. Sesos oeli aogtigemasep.
Elp nln lgnemoi.
Noli oitji pmien oetjoôo,
Sôsep, metj tgoeioi.
4. Gtoi npan apôgônemoi,
Gtjisapeoin Sôsep.
Sesos ogoamlamong igali,
Gil teli oli nposep.

OPOSGONINEMGIEOE

Getoï igatasig oigatigenigtog nalogitgonietjg tan eoigasig oentjoigtog, aglasieoigtog, lenateoigtog ag lnoigtog ola oelapetemeg nestoimtingeoei. Ag thia teloemg na oisgesoagan petjili nepategeg pgetesenogeoagig ag onamagig, oitjei ansema teli nepategeg mset tami, ptjilio lnoigtog.

Oposgoninemgeoei gisna nôgemegeoei gisna tloenetj notjemoimgeoei me atji pigoelgig oettjileiagoititj mimatjoinog pgetesenogeoagig ag onamagig mo ngotei piloei oisgesoagenigtog; eln tepetog tepiag gisi nigani psôgatemgesa.

oetjlag ôgo net oisgesoagen gesi aptjetjg tjtjtjoimig ogpenigtog, tel i oetjitasitjlg maoui pigoelgig losgoatigenigtog tan notjemoit teoi losgoatga.

Nige tóg teli oposgoninet tan pa sig tami allosgoatamitj giotôgoio, losgoatigen gisi gispateg pisgoatóg oisgesoagen ogtinineoag tani telgig gamlamotemilitjia.

Aoanitasit oepsgoninet oig eli oetjoiag metoi tjtjtjoimig, golaman mimatjoinog nsanôgônigtog pisoltitjig oitjei oisgesoagen omse-nemotineoa.

Sgato oepsgoninet menagatj gagi gsegatóg tan tesig teoi losgoatgep nôgemegeoeigtog ma natalalagol oenel, ag môgoetj nesotememeg ma atjgenenog otôgpoltineoa.

Losgoatamitj tóg lamigoômng sopintjtjigtog, tóg tesig na ointjig gagi gsegatotj, gisna molsoeigtog tan elpa nogoatoteo; ag gesg nôgóg gisna elosgoatamitj angôtj mo-goetj onisianon msagtagtog gisna otapsonitog gisna tami sega.

Tjel alasitjel log angôtj mo olosgoatamin epmetog aogtigtog gisna gasigtog gisna maoui mimatjainoôgoômigtog; meloitj nsepitj aptjetjg losgoatigenôg, ta-tgei matnesg piamio sist agentieoimigtog; gisna molsoei eotj, tan montitjigtog oigatigenei masgoatóg misôgo gisi gagi nogoatóg.

Tjtiptog teli pgtjji nôgemen gisna tgei matnesg piamis sist agentieoimig, gisna pôgtji alosan, gisna eli oapestagasin, gisna eli menaganan, gisna epostoanien gisi miaolagoeg, gisna malteo elosgoatemen, mo gpeli li mitgogoalao malpaleoit nangemio, nattamtjel menagatj gtangamolin; mo gpaoôtemo tjel neogtogonag; golaman notjemoimgeoei ma nepôlog pigoelgig teli nsoltitjig. Mo gpegitjtetemo pisoio mpisonel geginogoatasigel agnotemagani oigatigenigtog gotji mitatagon oisgesoagen, mo gtetli gsepatoto to gsolioeimaona li pipanim gmalpaleoitem tan gisgog teli melgi npitemeg opsgoninemgeoei, ag giasgio tlein tan telgimsa. Li goilotemo apôgônematimgeoei tan ngasao pôgtj neiasig oisgesoagen: lóg pa gisi litasitesg genseina.

PIPANIMTIMGEOEL

I. Ino pipanigesit. Notj, etamol genoatoïn, etog mimatjaino eosamisiaoio emitogatemoaatj oitapal otepitemel, ptjilio nagtemelitj oig, tjel siaoio teli gtogenit tjel gelapis mimatjoinog oetji pigoeli osgomatitjel, tóg môgoe elpa gisi gôgoatja-

lameg ; etog elpa mo osgomameg, etog me atji oles, meta oen tepi gisigoitj ag tepi nsetoôgenemitj, amotj esgematemeg onestoeina ? Nin Aietj.

Getel pa meteog teleing, pegoatatingeoei eloeoti teloitemeg, taponemig na, negmeoei ag tan pegoatoalj gtegi pijilio espirogotj oen, mo inim gisi talinameg, thia tjtjigoagatj oen oltjaga gisi tlimatal gimotog gesaltingeoeigtog. Eln tepetog oesgomatimgeoei môgoe tali otap-sinog.

2. Inosgo pipanigesit. Ninen tjtjigoaga etleoistoeg : Gôgoei ta otjit sist alamesigemg neote nagog noeleoimgel? Tôgo menag noto ag oen giasgio gisi tliminamet.

Getoi otji nenoitetemeg eta, temgeoei tan Sesos teli osgitjinois nganigoôm; tapoôoei tan teli mtôgoaltji notjôtagatilitj, oetji tetli osgitjinois; oamlamonoag, tan gino elp oitjei gesitetemotigop nipi alasotmangel gemnieoltigoel; sisteoei tjel sag esgemenag gôgoeinogoe ag metj nigetj teli oetji osgitjinoit oasôg; ofjeg oetjigit, Nisgameoigtog oetji nisgameoit, mset gôgoel tetpamogsititjel, neogti nisgameoit mao Oetjioli Nisgameoigtog.

3. Getjigao notot onamecatj telet ; Menag lno getjitog tan tesogonag Gisolg gisitôgsep oasôg ag magamigeo.

Gato gteg oetjoôo gagamit nagsi asitematjel ; Miamotj ; tjel eoigasig minoi sigentatimgeoeigtog, asogôom tesogonag, tôgo eloigenegeoei nageg atlasemiteg oelotges o'oli ogsôtasin iaptjio.

Angitasoagan oetsetemang Wolfville N. S. Sagmao Plansoe Toni oglosoaganem, teloet, oltjategemg eotogsigtemagan pantasigega nige ola tôgoaga gis tapositjig tiamog sigtelotjig, Sôsep Naggot neototeloatjel, sgemotog nin gtig sigtelag. Mesgig sespenag eimeg oapôltitjig opeiotaganemoôo melgalinameg, tjel gisi oetjiatitjel neotetilitjel nigmenala ogtjit lno ogisi nepan

oaisisela tanel olapetemoagan o-jig ogtjit ontjang, gisna gemotj ogisi temtemn tan pa tami etli oetjitôgoa, ngotei oâisisoei ogisi nepaton tan pa teli milamog, gôgoei ogtjit tóg nemitasinog, ag eta gôgoei ogtjit, sagmatot, mo aseगतoltigo angietemogo tan tlatasis? etog tjel gisi oetjitogop apôgnemating elnoltigo nisi tetogsigtemaneno istege gengigognagig sr ag lnoigoig- Etamolôg, sagmatot, oegla tegeletjgel glosogagan igatog gtangitasoaganemog. Nagagiag.

Nig oetji gioansgoigemeg aglasieoigtog, Nigolo sagmao, listogotjga 14 testepgenoset.

Canada's Great Nurseries

Want a representative for
STE-ANNE DE RISTIGOUCHE
and surrounding district.

The reliability healthy condition of our stock as well as truthfulness to name must be appreciated by the Public or they would not have helped us to increase our business yearly since 1837, the date of our establishment.

Our firms name lends prestige to our representatives.

Complete line of Nursery Stock
for Spring 1911

Write for Full particulars.
STONE and WELLINGTON,
The Fonthill Nurseries
TORONTO ONTARIO
WANTED

Father Kauder's Hieroglyphic Prayer-Book, even though slightly damaged or stained. Write to the Micmac Messenger, stating price.

Tan gegongel sagaoel gômgoetjoigasigel, tanel mo lnim gisi eomogol, gnoatoitj tan telemoital, thia gitjgatj, segoisgegel.